



Inatsisartunut ilaasorta, Jens NapätôK', Naleraq  
Inatsisartut@inatsisartut.gl

## **Ittoqqortoormiitut allakkat pillugit § 37 naapertorlugu apeqquteqaammut 2026-049-mut akissut**

Dato: 14-04-2026  
Sagsnr.: 2026 - 5370  
ID. nr.: 80746580

Asasara Jens NapätôK'

Inatsisartut suleriaasianni § 37 naapertorlugu Ittoqqortoormiitut allakkat pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### **Apeqqut 1: Naalakkersuisut ilisimavaat massakkut Islandimiitqoq assartugassat annertussusaat 2–3 Twin Otter-it imarisinnaasaattut annertutigisoq, Nerlerit Inaanut nassiunneqarnissaminik utaqqisoq?**

Akissut: Nassiussarpaaluit Islandimit assartoqqitassat uninngasimasut Naalakkersuisut ilisimavaat. Unammillernartoq iliuuseqarfigiumallugu immikkut ittumik ilaasunik timmisartuussinissaq pillugu, Naalakkersuisut Norlandair-imut atuukkallartussamik isumaqatigiissusiornikuupput. Ilutigisaanik siunissamut ungasinnerusumut aaqqiissutissap ilusilersorneqarnissaa sulit sulissutigineqarpoq.

### **Apeqqut 2: Naalakkersuisut uppersarsinnaavaat Norlandair-ip ilaasussat tamakkerlugit inniminniisoqarsimaneranik tunngavilersuutigalugu assartugassanik tigusinaveersaartoq?**

Akissut: Kiffartuussinissamik isumaqatigiissut angallassinissamik tulliuuttut pingaarnersuiusoq malillugu Norlandair ingerlatsivoq: ilaasut, allakkat, nassiussallu. Kiffartuussinissamik isumaqatigiissut kanat.gl-imiippoq.

### **Apeqqut 3: Naalakkersuisut akuersarpaat Nerlerit Inaanut aammalu Ittoqqortoormiit-mut allakkat aammalu pingaarutilinnik taartaasartussat nassiussassat Islandimut apuussereersimagaluarlutik ullut 30-it sinnerlugit tunniunneqanngitsoortarnerat?**

Akissut: Uani apeqqut 1-imut akissut innersuussutigaa.

**Apeqquut 4: Nerlerit Inaanut aammalu Ittoqqortoormiit-mut allakkanik, pingaarutilinnik taartaasartussanik aammalu pilersuinerlut atortussanik assartuineq pillugu isumaqatigiissutinut tunngasut suut atuuppat?**

Akissut: Kingoraartissanik pisariaqavissunik assartuussineq kiffartuussinissamik isumaqatigiissummi immikkut taaneqanngilaq, taamaakkaluartorli assersuutigalugu peqqinnissaqarfiup atortagaatut timmisartukkut sukkanermik pingaarnersiugassatut nassiussisoqarsinnaavoq. Timmisartukkut sukkanermik nassiussisinnaaneq pillugu, apeqquut 2-mut akissut takuuk.

**Apeqquut 5: Naalakkersuisut suut piaarnerpaamik iliuseqarfiginiarpaat:**

**Apeqquut 5a: katersuussimasunik assartugassanik ingerlaqqittumik assartuineq qulakkeerniarlugu,**

Akissut: Apeqquut 1-imut akissut takuuk.

**Apeqquut 5b. mittarfiup aputaajaasarnermut atortuinut taartaasartussat apuunnissaat qulakkeerniarlugu,**

Akissut: Uani apeqquut 1-imut akissut innersuussutigineqarpoq.

**Apeqquut 5c. innaallagissiornerup atortuinut taartaasartussat amigaataanerisa kingunerisinnaasaannik ingerlatsinerup uninneranik imaluunniit sulisut qimagutsinneqarnissaannik pinngitsoortitsiniarluni?**

Akissut: Uani apeqquut 1-imut akissut innersuussutigineqarpoq.

**Apeqquut 6: Naalakkersuisut ingerlatsisoq piumaffiginiarpaat piffissani ulapaarfiusuni immikkut ittumik assartugassanik timmisartuussinernik pilersitsinissaanut?**

Akissut: Kiffartuussinissamik isumaqatigiissutip atuuttup sinaakkutaasa iluini isumaqatigiissutigineqareersut saniatigut, ingerlatsisut nassiussanik timmisartuussinissaannik Naalakkersuisut illuinnaasiortumik peqqusisinnaanngillat. Sullissinerit ingerlatsisup tunniuttussaaitai, matumani inissaq aamma amerlassutsit ilanngullugit, kiffartuussinissamik isumaqatigiissutip aalajangersarpei, taakkunanilu allannguisoqassappat suleqatigiit isumaqatigeqqartaarlutik.

Taamaattumik timmisartuussinerit ilaneqassasut kissaatigineqassappat tamanna isumaqatigiissummik naleqqussaannikkut pissaaq, matumani isumaqatigiissummut ilassutissamik isumaqatigiissusiorsinnaaneq ilanngullugu. Ilutigisaanik taamatut naleqqussaasoqassaguni, tamanna aningaasaliissutitigut sinaakkutit atuuttut iluini pissaaq.

Piffinni ulapaarfiusuni unammillernartut Naalakkersuisut eqqumaffigaat, assartuussinermilu aaqqiissutissat sinaakkutit atuuttut iluini naleqqussarneqarnissaat, pitsaanerulersinneqarnissaallu ingerlatsisoq suleqatigalugu ataavartumik sulissutigalugu.

**Apeqquut 7: Naalackersuisut naliliipput massakut angallannermut  
aaqqissuussineq Ittoqqortoormiit-mut pilersuineramik isumannaatsumik  
qulakkeerinninersoq, imaluunniit aaqqissuussinermik allannguinnessaq  
pisariaqartutut isigineqarpa?**

Akissut: Ittoqqortoormiinut, Ittoqqortoormiiniillu assartuussinissamik pisariaqartitsineq Naalackersuisut malinnaaffigaat. Assartorneqartartut amerliartortut Naalackersuisut ilisimaaraat, taamaattumillu siunissami kiffartuussinissamik isumaqatigiissutissani tamanna isumaliutitut ilaatinneqarluni.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

  
Iddimangjiiu Jensen Bianco